



A: Bosna i Hercegovina
Federacija Bosne i Hercegovine
Zeničko-dobojski kanton
OPĆINA TEŠANJ
Trg Alije Izetbegovića 11, 74260 Tešanj

Broj: 02-31-5-1132/12
Datum: 10.04.2012.godine

Na osnovu člana 15. Zakona o principima lokalne samouprave („Sl. novine Federacije BiH“ broj: 49/06) i na osnovu člana 30. Statuta Općine Tešanj („Sl. glasnik Općine Tešanj“ broj 11/07) Općinski načelnik raspisuje

JAVNI POZIV
za dodjelu javne površine kod OŠ „Huso Hodžić“ na upravljanje,
održavanje, uređenje parking prostora i naplatu parkiranja vozila

U cilju uređenja javne površine kao parking prostora, Općina Tešanj objavljuje javni poziv za dodjelu javne površine kod OŠ „Huso Hodžić“ na upravljanje, održavanje, uređenje parking prostora i naplatu parkiranja vozila najpovoljnijem Ponuđaču.

Pravo učesća

Na javni poziv se mogu prijaviti sva pravna i fizička lica registrovana za obavljanje uslužne djelatnosti koja će se ugovorom obavezati da će se na parking prostoru baviti navedenom djelatnošću.

Općina se obavezuje da će obezbijediti javnu površinu, a zainteresovana strana će obezbijediti troškove uređenja javne površine kao parking prostora u skladu sa projektom čija je procijenjena vrijednost 20.000,00 KM.

Korištenje parking prostora daje se na period od 5 (pet) godina sa mogućnošću produžavanja roka ako bude postojao obostrani interes.

Zainteresovana strana biće obavezna da se pridržava načela i obaveza u poslovanju kao što su preduzeća koja obavljaju djelatnost od javnog društvenog interesa u komunalnim djelatnostima. Zainteresirane strane trebaju svoju ponudu da izraze kroz propisanu prijavu.

Kriteriji za dodjelu

Kriteriji za odabir najpovoljnijeg ponuđača kome će se dodijeliti prostor radi obavljanja uslužne djelatnosti su:

1. Kvalitet ponude izražen kroz ozbiljnost u realizaciji projekta,
2. Iskustvo u obavljanju djelatnosti
3. Visina zakupnine

Obavezna dokumentacija

1. Ponuda za učešće na javnom pozivu na propisanom obrascu,
2. Dokaz o registraciji koji podrazumijeva Rješenje o registraciji uslužne djelatnosti i izvode iz sudskog registra tj. obrasce iz kojih je vidljivo da ponuđač obavlja pretežno uslužnu djelatnost.
3. Izjava o prihvatanju realizacije projekta uređenja parking prostora u roku od 60 dana,

Podnošenje ponuda

Ponuda sa potrebnom dokumentacijom se može slati 15 dana od objavljivanja javnog poziva na adresu: Općina Tešanj, Trg Alije Izetbegovića 11, 74260 Tešanj

Ponude se podnose u zatvorenoj koverti sa naznakom: Za javni poziv „Za dodjelu javne površine kod OŠ“ Huso Hodžić“ na upravljanje, održavanje, uređenje parking prostora i naplatu parkiranja vozila, .

Nepotpune i neblagovremene ponude neće se uzimati u razmatranje. Općina Tešanj zadržava pravo da ne prihvati nijednu ponudu. Sa izabranim Ponuđačem Općina Tešanj će zaključiti Ugovor kojim će se pobliže regulisati prava i obaveze ugovornih strana.

Za sve dodatne informacije i izlazak na lokaciju kontakt osoba je: Viši samostalni referent za održavanje objekata infrastrukture, Nihad Hadžismajlović, br.tel. 032 650 022, lokal 116.

Dostaviti:

1. Web stranica,
2. Radio Tešanj,
3. Antena radio,
4. TV SMART,
5. Oglasna ploča,
6. a/a

OPĆINSKI NAČELNIK

Fuad Šišić, dipl. ing. maš.